



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 12. Archangelorum oppidum in Taïaobæ terris fundatur.

urn:nbn:de:hbz:466:1-38528

lēmnibus ceremoniis destinati: de quarum ceremoniarum ritu, quia sāpē in hāc historiā barbaricā occurunt, hāc pauca accipe. Guairania Antropophagi captivū bellō captū in suū pagū deducebant, omni deliciarū cupediarūq; genere eum prosequentes; eo fine, ut faginatus alios etiam suā carne faginaret. Saginæ tempore nefas erat quidquam quod appeteret ei denegare. In p̄vigilio mactationis pagi municipes, convocatis circumquaque populis, pompa instituebant. Præcedebant magno numero armati viri bino ordine feminæque, puella una plumbis & velamentis ornatissima in media pompa eleganti in paropside clavam, crudelitatis instrumentum, & altera eodem ornata coronam destinatæ victimæ imponendam præferebant. Lacertosæ mulieres captivū medio corpore vinctū, solutis brachiis lapides & ligna in circumstantes pro libitu ejaculantem, laxis funibus ducebant. Si contingenter ab captivo aliquem feriri, immensis clamoribus & plausibus ejus fortitudinem dexteritatemque plebs omnis celebrabat. Finitā p̄vigiliū pompa reliquā noctēm inter insanos strepitū, choreas & ebrietatum furores transigebant: captivo præsertim cibis & vino sese ingurgitante. Facto mane, eodem quo pridie ordine ad necis locum ducebatur, ubi repetitis præteritæ diei ineptiis à potente aliquo Casiquio captivus coronā redimitus elegantissimèque ornatus clavā feriebatur. Prostratum adstantes omnes percutiebant, nova nomina, abolitis veteribus, sibi assumentes; quin & ipsi infantes ope matrum acceptis etiam nominibus adhuc palpitarem manibus verberate cogebantur. Postquam constabat exspirasse, omnis multitudo in cachinnos intemperanter soluta, institutis choreis, parricidali convivio præludebant; cadaver disceptum & in ollis coctū devorabant; aliquot frusta ad vicinos pagos mittebant, ut iis gustatis nova etiam nomina sibi sumerent. Ejusmodi crudelitas inter glorioſas mortes ab Barbaris reputabatur, unde rati admodūm captivi, quamvis facile possent, è vinculis fugiebant. Eo ergo ritu Barbari mactaverant Antonii Ruisii adituum, qui immenso dolore correptus, è Taiaobæ terris pedem rusum referens, interim dum alia gentis domande consilia suppicerent ad inspicienda reliqua Guairanias oppida, ducto secum Didaco Salazario, se contulit.

INSPETTIS promunere oppidis, Antonius Ruisius tantis obicibus nihil fractus, sed gloriōsorum discriminū spē animosior, eō promptius ad Taiaobæ terras occupandas conatum intendit, quō obstinatius à dæmonibus aditum obserari cernebat. Cognito igitur Taiaobam & Piraquatiam, adunatis sibi aliis Casiquis, ad restauranda destructi oppidi fundamenta, vimique hostium propulsandam, animum serio adiecisse, ad pagum eorum finibus conterminum se confert: quibus ad se venientibus significavit, in animo sibi esse eorum terris oppidi fundationem iteratō tentare. Sed contra crant omnes amici Indi, obtestantes ne caput suum cerrissimo discriminī objiceret; si eō rediret, procul dubio Antropophagis escam futurum: id enim dæmonis oraculo fuisse decretum. Quin & ipsi Socii per Guairaniam sparsi, prout rem constitutam intellexerant, vehementer ab progrediendi consilio cum per litteras avocare nitebantur. Nec defuere aliquor Villaricani id idem junctis precibus non sine lachrymis efflagitantes, afferentesque, se certò ab Indis compellisse, fore ut citra dubitationem ab Barbaris devoraretur. Quibus omnibus respondit, Deo re commendatā, facturum se quod ad majorem illius gloriam promovendam fore intelligeret. Interim remisso in patriam Nicolao Taiaobā, iustoque numerosiorem gentem ad propulsandos hostes cogere, ipse ad Divina auxilia procuranda omnes animi vires adhibuit: quod ut ritè faceret, per septem hebdomadas ad honorem septem Angelorum principum, in secessu exercitiis spiritualibus, septem quotidie horis in oratione mentali positis, vacavit, vovens, si res prospere succederet, primum quod in Taiaobæ terris oppidum fundaret, iisdem Archangelis se dedicaturum. Exercitiorum tempore longum foret dicere, quot & quantis intus pugnis, foris timoribus, quot angusti animi, modò diffidentis, modò variantis, perturbationibus conflictatus fuerit: dæmone eorum tumultuum incentore, ad augendos terrores se ipsum etiam visendum præbente. Sed Ruisius in proposito

Ruisii aditus
mortis.Veneratio
aditum.dilectionis
aditum.

C A P U T
XII.
Archangelorum op-
pidum in
Taiaobæ
terrīs fun-
datur.

objicitur
annuit.

Ruisius rem
Deo commi-
dat.

ab demonis
infestatur.

Officium.

Officula
amoventur.Orationis
vix.Demon vin-
citur.Conspirato-
rum consilia
disturbatur.Taiaoba fa-
ctio augetur.Ruisiane
Castitatis
exemplum.

persistens sensit se contra adversa omnia confinari, & insuper cœlesti ostento penitus ad audendum impelli: nam inter caliginosæ hesitationis & ærumnosi cujusdam tædii tenebras, clara Divina lucis radio dærepente oborto, visus per somnium sibi est, cum duobus aliis e Societate in immensa planicie versari, ac cernere ingens alcium atque jumentorum armentum miro fulgore micantium inclinatis capitibus ad se ventitare, Sociisque ex hoc asperetu latitudine exultantibus imperasse, uti armentum cingerent, & ad templum quoddam splendidissimum agerent: quod dum fecissent, omnia jumenta, nullo fugâ elapo, templo inclusa fuisse. Sub id tempus centum circiter Indi hostilis factionis facile omnium ferocissimi, qui septem Neophytes Ruisii comites comedenter, ultrò se ci traditum venere: nunciatumque est Casiquios septem, Evangelicæ propagationis hostes infestissimos, in sylvis fustibus contusos occubuisse, & ex vulgo non paucos ejusdem faringe homines ibidem trucidatos; nullo tamen tot necium authore reperto. Amotis ope Divinâ rantis obstatulis, Ruisius evoluto Exercitorum spiritualium spatio statuens vel gloriose mortis præmium, vel de dæmonie viatoriam hac vice reportare, quamvis Socii iterum scriberent, ut pedem, dum integrum esset, referret, vili instructus viatico & Ara portatili, viae se commisit. Aliquot dies progressus Taiaobam & Piraquatiæ obvios habuit, quibus septem Archangelorum effigiem, Ludovici Bergeri pictoris opus, palam gestandam tradidit: ipse amiculô lineo & stolâ ornatus pompa sequutus, ab Angeloru Regina auxilium efficax sibi certò promittens, ad designatum oppido locum pervenit. Quo in loco paucissimos Indos reperit, propterea quod Taiaobanæ & Piraquatiæ factionis homines, cognitâ multorum populorum iterata conspiratione, deterrentur. Novus igitur timor Ruisii animum subiit, ad quem propulsandum inexpugnabili precum clypeo se munens, per novem dies continuatâ pietate in illius Mysterii memoriam, quo Beatissima Virgo Incarnatum Verbum rotidem mensibus in utero gestavit, Divinam opem imploravit. Quo tempore unâ eademque nocte iteratis vicibus dæmon, venatici canis speciem præferens, quasi invadere vellet, minas intentavit. Sed ab Ruisio abactus, sub scannum, in quo sedebat, se conjecit, magno quidem Dei servo horro concusso, sed eâ consideratione erecto, quod ministrorum dæmonis vis fracta videretur, quandoquidem per se pugnaret. Duabus sequentibus diebus rursus dæmon minas intentavit, fractioribus tamen semper viribus. Sed Guiravera, dæmonis pertinacissimus assecla, audito Ruisii adventu horrendum infremens, vociferabatur cum hâc vice dentes suos non evasurum, convatisque ad arma factionis suis Casiquis sic de nece patranda disseruit, ut ei ad unum omnes assenserint. Verum hujus monstri consilia hâc maximè ratione dissipata sunt. Advenerat inter convocatos Ararundio, qui alia in aggressione copiis Ruisio maestando destinatis præfuerat, quem Guiravera ob obortam suspicionem suâ manu imperfectum reliquis Casiquis comedendum apposuit: interempti comitibus ad instruendas suis carnis epulas etiam designatis. Checabic verò Casiquis, qui olim Ruisii suras pellicibus suis promiserat, sagittâ transfixus etiam interiit. Quibus casibus, ortis dissidiis, hostium vires distractæ sunt: & Taiaobæ factio tanto numero aucta est, ut ex octoginta hujus regionis Casiqui sexaginta Religioni Christianæ cum Taiaoba faverent. Itaque Numinis ubique faventis auxiliis, Ruisius locu exstruendi templi designat, conditum oppidum septem Archangelis consecrat, novellamque rem publicam ordinat. Idem eâ tempestate insigne Castitatis exemplum exhibuit. Nam cum corpus quieti tradens, contractis à frigore cruris nervis, vehementer laborare ceperit, nec acri morbo mederi aliter posset, nisi fricari se alienâ manu permitteret, & voto pridem adstrinxisset neminem tangendi, neque permittendi ut à quoquam ipse tangeretur, periculum doloremque contempsit. Animus tamen in varias partes distractus, ancipitem cum reddebat, hinc necessitate, illinc voto identidem mentem exigitante. Totam ferè noctem in hoc cogitationum aestu insomnem traduxit. Tandem inviolato voti proposito, vitæ etiam discrimen potius adeundum duxit, quâm votum infringere: quo renovato ad somnum se utcumque compofuit. Sub primam quietem dæmon atro vultu, ac si luctari vellor, cum à somno excitat, maledictum appellans, quod tam ferreus esset, ut se molliri tantisper

non

non permisisset. Sed Ruius vixit, contumeliis oneratum abs se abegit. Fama senviente, novello in oppido solis herbis & palmarum meditullio viaginabat, quæ ejus palato adeò sapiebant, ut extra hyperbole res de se insipide aqua rosacea aspersa ipsi visæ sint: Deo scilicet in his desertis deliciosum manna rursum ministrare. Quingentos ipse suā manu ex hac gente sacro Fonte lavit, antequam oppidum numerosissimum Petro Spinosa, Socio impigerrimo, regendum tradens, ad campestrem expeditionem se accingeret.

CAMPESTRES Indi novam materiam gloriois Apostolicorum virorum laboribus sub id tempus ostentavere; qui ideo sic vocantur, quod campos supra Incarnationis oppidum latissime protenos habent. Quamquam & Coronatos, & Capillatos idcirco etiam vocari reperio, quod viri fœminæque promissam ad humeros comam Monachorum adinstar orbiculatim in vertice radant. Ab eortempore, quo Christianæ Religionis odio Incarnationis oppidum, Christophoro Mendoça ad necem destinato, tentarunt, humano judicio planè obliteratus ad eos aditus videbatur, qui sic tandem cœpit patescere. Tupici, Brasiliæ populi, de quorum ferocia in Societatis historia Orlandinus meminit, in Sancti Xaverii agrum magno numero grumpentes, aliquot Neophyti in servitutem abegerant, qui Sociorum industria è vinculis exempti fuerant. Alia Tupicorum turma aliquot Incarnationis oppidanos captivos etiam fecerat, quos Christophorus Mendoça cum Pindovio & Neophytorum manu inseguens liberaverat. Et insuper certior factus ab iisdem latronibus Coronatorum pagum, multis in servitutem abactis, direptum fuisse, latrones ex improviso adortus, præda & captivis spoliatos, acerrimèque increpitos, in Brasiliam redire coegerat. Coronatos vero hoc beneficio donisque conciliatos, cā conditione in patriam remiserat, ut ad se populares suos religionis ergo (quod & fecere) redirent. Haud ita multò post, decem Coronatorum Casiqui, Taiaobæ exemplo permoti, nuncio ad Socios missi, vehementer flagitavere Christianæ doctrina magistros. Quibus rebus cognitis, Antonius Ruius è Taiaobæ terris ad Incarnationis oppidum properans, assumptio in Socium Francisco Diastanio, ad Coronatos iter capessivit. Iabant ambo per paludosa loca abruptaque cum exiguo triginta Neophytorum comitatu: & jam octiduum processerant, cum obvios habuerent Coronatos, nunciantes Guabairum, potentem Casiquium, auditio Sociorum adventu, in partes traxisse quamplurimos pagos, factaque conspiratione insidias in propinquu nemore struxisse; si ultra pergerent, indubie cum comitatu perituros: se ex convocatis quidem fuisse, sed memores beneficiorum ab Sociis acceptorum, secretâ semitâ ad id nunciandum venisse. Ruius & Diastanus, gratiis habitis, cum Pindovio consultavere, num tutum esset ultrâire: quo respondente, tantillo comitum numero nullo modo id tentari posse, torto itinere, unde venerant redeuntes, expeditionem in aliud tempus distulere, quam sequenti anno feliciori aliquantulum successu, eadem via Deo dante prosequar. Nunc ad vetera Guiranæ oppida tantisper divertor.

AURETI præcoci fato Marcus Marinus, Religionis initæ anno decimo, ætatis vigesimo-sexto, sublatus est: de quo multa paucis complectar, si ex Nicolai Durandi ad Generalem litteris Joanni Berchmanno, notissimæ virtutis juveni, in omnibus fuisse valde similem asseruero. Nemo fuit, qui vel tenuissimam labeculam in ejus moribus, aut in legum nostrarum observantiâ oscitantiam adnotarit. Externi hominis compositio internam animi constitutionem ac puritatem manifestabat, quæ assequutus est, ut omnium in se oculos atque animos converteret. Sylvicolæ duo ad Socios per Lauretanos Neophyti adducti, & ad suos remissi, centum & viginti popularium familias paulò post secum reduxere, qui omnes, nomine deimpi, suscepito Baptismo Christum professi sunt. Inda mulier participandis Divinis mysteriis assecuta, ad flagitium ab Indo sollicitata, ubi ei in mentem venit, schedulam communicaturis dari solitam, penes se esse, fortiter resistens, velamento corporis in impudici manibus relicto, nuda ab eo profugit. E contra procax

Quingenti
baptizantur

CAPUT
XIII.
Expeditio
ad Campe-
stres popu-
los frustra-
tur.

Coronati po-
puli.

Tupicorum
ferocitas.

Guabairus
Socii resiste-

Socii fere-
trahunt.

CAPUT
XIV.
De reliquis
Guiranæ
rebus.

Marcus Ma-
rinus mori-
tur.

Et laniatur.

Centum &
viginti fa-
milie redu-
cuntur.

Mulieris ea-
fusas.

fœmina